

寶豐縣志卷之三

輿地志下

古蹟

陵墓附

荒城遺壘考見前人經營締造之跡而審其用心亦得失之林也不徒春風亭孝子宅地以人重

豢龍城

太平寰宇記云在縣東南五十里方輿紀要云相傳豢龍氏劉累嘗居此路史國名紀豢龍城汝之龍興

父城

漢書地理志潁川郡父城據元和郡縣志卽楚太子建所居

寶豐縣志

卷之三

輿地志下

一

之城父杜預及春秋大事表俱云然而十三州志則云太子建所居城父在今亳州地理志云潁川有父城沛郡有城父此二名別耳大事表又云楚有兩城父王伯厚跋地理通釋則曰父城城父之不同此春秋之疑也左傳昭公九年楚遷許於夷實城父杜注城父縣屬譙郡十九年楚城城父杜注襄城城父楚無二城父再考晉析潁川置襄城郡父城隸焉一統志云城父春秋陳之邑名戰國屬楚元廢爲村故城在亳縣東南索隱以城父卽應鄉正義以城父卽父城據實云應自應父城自父城不得云父城卽應城父父城混而爲一悞始杜氏

賈復城

水經注激水東入父城縣與桓水會水出魯陽北山水有二源奇導於賈復城合爲一瀆逕賈復城北復南擊郟所築也俗語訛謬謂之寡婦城馬志云金吾城水經注賈復城也後周置三鷓鎮以禦齊第三鷓入今魯山界斯地近魯故又謂之通鷓城唐析郟城縣西南古鷓城置龍興縣是也昔人更浩然亭改陽城驛皆致敬前賢之意今賈復城斥其名既不

金吾城

河山故城

寶豐縣志

輿地志下

二

案隋長八寺造象碑龍山之南河山之西云以地案之在今扁城村河山故城遺跡顯然

期城

案柳子厚趙君墓誌本作龍城縣期城之原城當爲興字之訛龍興蓋割郟縣地置故期城得附於此

汝南城

方輿紀要云汝南城在魯山縣東南後魏永安初置汝南郡通鷓城

元和郡縣志龍興縣城本通鷓城卽後漢賈復城也復南擊郟所築後魏太和二十三年孝文帝新征馬圈行至此城昏

霧得三鷓引路遂過南山故號通鷓城

滢陽城

元和郡縣志滢陽城一名應城在縣南二十五里

輔城

案隋書地理志開皇初改龍山曰汝南十八年改汝南曰輔城此題輔城之由蓋沿於此故錄之以見金時寶豐疆域包

入郟縣

講武城

馬志云講武城距塔里赤墓數里城傳卽其所築土人呼爲

古城

寶豐縣志

卷之三

輿地志下

三

符壘城

隋書地理志汝南有後魏汝南郡及符壘縣

孫督師城

馬志云孫督師城城東九數座癸未督師孫傳廷圍城時所築案綏寇紀畧崇禎十六年九月初八日我師進次汝州之長阜鎮僞都尉李養純迎降聞自成在襄陽西築汝寧及其屬邑鄧襄葉唐郟豐七城者待戰謀者云賊老營在唐縣精銳屯襄陽撤郟縣僞將吏歸保寶豐並兵設守以爲犄角傳廷乃別遣遊擊折增修從魯山間道搗唐縣而督師自以大軍從汝州進初十日我師次寶豐賊已改爲州其守兵多且

樓櫓亦甚固傳廷曰我師前爭利而寶豐或恃其後則背腹受敵矣諭降不下乃留攻之十一日自成來援白廣恩高杰盧興福分兵夾擊戰小利賊却十二日自成再以精騎來援復爲廣恩杰所却我師以是夜克寶豐擒僞州牧陳可新州判姜渭邾縣令周英主簿劉溥僞將蔣山李大存孫月等誅之此督師所由歷建城壘以困賊者也

### 巾車鄉

後漢書馮異傳光武畧地潁川攻父城不下屯兵巾車鄉註巾車鄉名在父城界馬志云巾車鄉在邑東南五十里今留村一云在父城東北吟王寨

### 寶豐縣志

#### 卷之三

輿地志下

#### 四

### 不羹城

馬志云春秋楚二不羹此西不羹也路史云今在龍興之南

### 安樂鄉

永仁鄉

宣和二年勅改寶豐縣碑龍興管安樂永仁二鄉案永仁鄉亦因山爲名唐書地理志梁縣有永仁山寶豐卽所析汝州梁縣地所置故永仁山在縣境而鄉亦取名

### 應城

括地志云古之應國在魯山縣東三十里史記正義作四十里安寧鄉

創修三官廟記洛陽中護衛左所百戶余鏗下在寶豐東南

安寧鄉南范村屯住一營

犇縣故城

水經注潢水又東逕犇縣故城北左傳昭公元年使伯州犁城犇是也

神林鄉

明成化十八年許淵譔重修漢高皇廟記寶豐治東南神林鄉

青嶺鎮

宋史食貨志提轄京西阮治王景文奏汝州青嶺鎮界產瑪瑙案此當政和初爲是言是時猶未易名也

興寶鎮

寶豐縣志

卷之三

輿地志下

五

宣和二年勅改寶豐縣碑龍興在邾城縣西南管安樂永仁二鄉並青嶺近因寶貨興發蒙朝廷賜名興寶鎮

汝南鎮

金史地理志汝州寶豐鎮一汝南

曹鎮

河南通志曹鎮在寶豐縣石渠保朱皇后曹氏生此

犇城府

杜行寶碑陰云杜洪艷隋犇城府校尉

河山府

杜行寶碑陰云杜洪祭隋任河山府司戶

案隋書地理志犇城大業初改名又後魏置河山縣大業初廢入焉隋一代府兵之制最爲極備然獨不審其名稱得此碑所云犇城府河山府蓋亦因地立名而唐世府號多視諸此矣

養陰里

馬志養陰里名見水經注養水似今石河然亦未敢決彷彿且存古蹟京相璠以爲在邾西南或其處陽而稱陰則其地當在養北汝南又酈注扈澗入汝汝又迤爲東長湖入養今扈澗雖涸而邾城西四五里入汝故道依然則所云里在邾西南者度勢當在今卓君舖寄料店諸村落間邾志云當在

寶豐縣志

卷之三

輿地志下

六

其邑西南汝水之右今寶邾以汝爲界汝以南無邾縣地矣

按春秋傳

昭公三十一年

吳掩餘燭庸二公子奔楚楚居之養使沈

尹城之取城父田與之則養必近城父而京相璠以邾縣西南之養當之得無亦誤於城父父城之分與路史亦云由基邑然皆不言居二公子或近城父者亦有一養

安集里

明劉奎譔劉處七墓碑其先

缺二字

人正統初徙家汝州寶豐

鎮之滎陽後復置縣遂

缺

縣之安集里

坊廓里

明嘉靖二十一年劉奎譔觀政進士李西塘墓碑高祖均寶

元末徙家於汝後割汝置寶豐縣遂編籍坊廓里

雙酒務

河南通志雙酒務在寶豐縣西北二十五里其務有六惟銅斗正酒二務其址尙存宋程明道爲酒監卽此

鄭酒務

見金香山寺承安四年鐘識

商酒務

馬志在城西北二十五里宋權酒之場明道先生監稅朱光庭坐一月春風者卽此也温公送程子監汝州酒務詩曰惟知負米樂不覺抱關卑出處兩得意是非皆自知按伊川集

寶豐縣志

卷之三

輿地志下

七

明道先生以親老求近鄉監得監汝州酒稅而宋史云以坐獄逸囚責監汝州鹽稅因新法之初首爲異論也按馬志以商酒務俗訛作雙考金香山寺鐘識並載雙酒務商酒務金距宋未遠相沿必有所據蓋非俗流之訛

范睢邑

水經注潢水又南逕應城西范睢所封邑也

龍門關

李志云龍門關在縣東三十里大龍山下元時立巡檢司於此  
公壘

馬志云秦二世三年浦公與南陽守呂錡戰犍東破之水經

注汝水又東合董溝水水出沛公壘西六十步蓋漢祖入關  
往征是由故地擅斯目壘在大龍山距故鞏城四十里俗名  
攄鼓臺云漢祖與項羽戰樊噲攄鼓摩旗不知此舉乃攻秦  
非戰楚且曹參周勃諸將皆從不止噲

僕射店

馬志云卽邑西五十里店頭也宋富鄭公以僕射判汝州安  
集流民於此後人因以其官名店安集流民詳公奏疏云牒  
通判張恂州界諸縣一一相度則當時安集地諸縣應皆有  
之卽在邑亦或不止此然卽此而邑之榮光大矣

應鄉

寶豐縣志

卷之三

輿地志下

八

前後漢書郡國志並云潁川郡父城括地志云故應城古應  
鄉在汝州魯山縣東四十里

吉村

隋長八寺造像北龍山之南河山之西雉水之東吉村

云

宋村

馬志云資治綱鑑續編高宗建炎四年留守司統制牛皋追  
敗金人於寶豐分注金人犯江西者聞兀朮北還亦自荆門  
引去留守司統制牛皋邀擊敗之於寶豐之宋村在今滢陽  
鎮東南三里乾隆癸未里人共釀錢建廟於村之東南隅祀  
皋邑紳李海觀碑記云宋史載建炎四年統制牛皋敗金人



於寶豐之宋村嗚呼金當天會之初猖獗太甚虜兩宮蹂躪汴都而且長驅直抵橫行襄楚間自荆門歸牛統制要而擊之惡氛少挫伯遠誠偉人哉間嘗括南渡全局思之主戰者忠義君子也附會和議佞邪小人也伯遠於高宗駐蹕初定之始首建虜功已開朱仙鎮和尚原之先聲及其老也田師中希檜旨置毒盃酒伯遠爲其所中乃初不以死爲憾而惟以南北通和爲恨則亦何殊於過河之三呼也綜具生平崖畧洵堪與忠武媲美矣伯遠魯山人宋村實桑梓近地猶憶幼時從鄉前輩携酒北岡指顧形勝咸曰滎陽至聖裔孔寧極先生之所流寓也宋村宋名將牛伯遠戰捷之舊區也忠

孝芳躅宜俎豆以爲邑里光乾隆丁丑滎陽孔孝子祠建於應濱越癸未宋村統制祠落成屬予記之亦可見忠孝根於人心雖歷千載而不能磨澌有如是也鄉前輩者邑王明經歌九陳詩張諸生誠齊問政雖奄忽已久例當備書所以明圖史之有自而癸未之襄厥事者咸得題名于碑陰

陽夏侯第

馬志云陽夏侯第漢馮異故居在父城城內西南隅或云在城外今皆泯無寸址

臨汝郡公第

馬志云臨汝郡公第元將塔里赤塋三堆山其子萬奴於此

建宅卽今官家衙也

### 孔孝子宅

馬志云寧極先生隱居滢城厥後子孫遂家焉其故居今不可問卽本傳所云有田數百畝今亦不知轉屬何氏矣

又寧極先生四十五代孫夢溪筆談稱之爲淮南孔某蓋自其曾祖尉桐廬後世遂家淮南其隱居於邑固不自闕里來也又言其竹園近水有盜其竹者念其冬月涉水因架小橋渡滢水難架橋或其園近應水平

### 隱居園

夢溪筆談淮南孔敏隱居篤行終身不仕美節甚高嘗有竊

### 寶豐縣志

#### 卷之三

輿地志下

十

其園中竹敏愍其涉水冰寒爲架一小橋渡之

案宋史孔敏傳隱居汝州龍興縣龍山之滢陽城此園當在今滢陽鎮附近惜無可考

### 醫藥院

在城內見香山寺明昌三年鐘識

### 沙亭

水經注養水又東逕沙亭南故養陰里也案今城東三十里迤漫皆沙阜連亘當卽沙亭所在

### 春風亭

河南通志春風亭在寶豐縣城西北三十里宋程明道監酒

稅於此因以立亭

竹居書館

明崇正十年劉合譽創建普度禪林記邑內西南隅有觀音堂一或讀原碣知先爲李子竹居之書館

湛阪

解見前

魚陵

解見前

龍谿

水經注龍山水出龍山龍谿北流際平城縣故城東

寶豐縣志

卷之三

輿地志下

十一

葛塢

任楓葛塢詩序內子王氏行八字珮流賊陷寶豐被執逼之不屈嚼血噴罵賊拔刀脅之罵益厲昂昂引頭觸刃遂盡節王年甫十七且病癰當此臨難捐軀志氣奮激天地震動亦壯烈也哉塗梗不能返寄葬城西三里卽予友白素爲葛塢之南畝嗚呼逝生不得死猶旅寄北望吾家并非爾魂之所能至矣自是予流離渡河自懷徂衛歷秦晉歸十餘年僅再來孤墳荒草淚盡聲乾賦五律自責以慰之其一別却冰魂已十年孤墳兩見草芊芊我情百薄難容死爾恨千多倍可憐飲血幽芳持淨土思家遠淚潑荒天今來慰望應知否慘淡

垂楊落古烟其二汝南汝北水悠悠爾亦淒涼我亦愁暫把貞

魂留異域那知皎月老孤邱蒿攢野色埋幽淚地隔熟蹤冷

幻遊幾載一來腸萬斷長眠苦守十餘秋其三萬死逃生欲少

寬天教全節骨瓓珊生離故國情還咽死落遙山夢更難孤

塚青燐月裡叫十年血淚雨中看無家莫恨南遷日何處貞

松不歲寒其四松楸寂寞水潺湲棄爾幽棲在此間縱使有情

來遠夢應憐無力度重山年年苦露淋清影夜夜陰風砭瘦

顏自是水心天地古爭教玉骨不生還其五既到仍歸恨渺茫

林蕪森暗漫悲傷從來正氣加天護自是百魔見爾藏舊窟

月寒鶴夢冷孤邱烟消鬼啼香若延來歲桃花月接收冰魂

寶豐縣志

卷之三

輿地志下

十一

返硯莊

陽人聚

河南通志云陽人聚在汝州城西寶豐縣界上秦遷東周君

於此吳孫堅大破董卓軍亦此

馬志辨誤秦莊襄王滅東周遷其君於陽人聚水經注汝水

出汝阨逕周平城南又東與三屯水合又東得魯公水上

承陽人城東魯公陂城古梁之陽人聚度其地尚在今汝州

西伊陽縣界括地志云在汝州梁縣西四十里王浚儀地理

通釋河南府伊闕隋時縣漢曰新城秦紀白起攻新城敗韓

魏於伊闕則聚在今汝州西明矣

按太平寰宇記龍興縣載有廢臨汝縣蓋其地宋初屬縣境矣据記稱在州西南六十里本漢梁縣地唐先天元年十二月割置縣於今縣西南二十里紫邏川置以邑城臨汝水兼郡名爲邑之稱又云洛陽界碑在舊臨汝西八十里是縣西境所包最遠故陽人聚得附屬於此非前志牽率入之

### 紫邏川

太平寰宇記龍興縣廢臨汝縣本漢梁縣地唐先天元年十二月割置縣於今縣西南二十里紫邏川置以邑城

案九域志汝州梁縣有紫邏山今臨汝街之南有紫邏坡卽其地也川當迤東而北當唐時臨汝城蓋在此矣

### 寶豐縣志

#### 卷之三

輿地志下

十三

### 雅集石

馬志云邑南十里舊應河驛中河亂石縱橫水流曲折石罅問其西南礪然壁立者刻知邾城晁仲參葉令李喬卿進士孔暉烹茶於此皇祐壬辰八月十八日

按雅集石又有金題名文云亳社黃德甫邾敖李道弁遼水高大用陪縣令宣威耿侯缺酒缺一飲於此承安庚申重陽

日後又有缺二懷侯逸名正書字微小于宋刻外有無朝代

可紀者亦大書每行二字九七行自左行文云葆光全道缺仁同遊壬寅正月下澣按承安庚申章宗建元之六年也

案晁孝先在邾城嘗懲悍卒及耿侯令于此亦爲民禱雨立

意其 平民和固宜有此賢者之樂也

白雀寺董展畫

隋董展字伯仁汝南人  
以才藝稱尤善於畫官至光祿大夫  
殿內將軍鄉里號爲智海見唐裴孝源畫史云展畫汝州白雀寺

香山寺

晁冲之具茨集香山示孔處厚詩  
我來南經幾山過馬行以衝山色破風煙  
席卷崑穴開澗花縈迴水流左懸崖彷彿聞松聲  
下瞰幽深鳥飛墮老夫它年有所歸定結白茅依紫邏日高下馬古寺門魚鼓欣聞脫清餓道人碧眼照川谷雲起

寶豐縣志

卷之三

輿地志下

十四

盤陀藉高坐殷勤勸我更莫歸  
唳鶴啼猿亦相和窗前笑喚祁孔寶  
世間安用招魂些

佩文齋書畫譜畫家傳釋覺心字虛靜嘉州夾江農家少好遊獵一日縱鷹犬棄妻子出家遊中原作從犢圖詩孔南明崔德符見而愛之招來臨汝連往葉縣東禪及州之天寧香山三大刹畫鑒河南通志云相傳慈雲大士證道處唐時寺

塔並存 按耿迪吉遵汝山房緒語云寶邑香山本龍興山不知香山之名起於何時然據冷齋夜話靚禪師居汝州之香山則香山之名其來久矣至九老閣則後人不考之過也按唐書白居易本傳居東都履道里疏沼種樹構香山石樓

鑿八節灘與胡杲等燕集則九老結社乃洛陽之香山非邑之香山也又寶豐舊志載九老姓名無鄭據李元爽而有朱昂狄兼謨此失考之中又失考矣據樂天自序狄兼謨雖與會而不在九老中以年未滿七十也至朱昂則宋水部郎中李文正罷相欲繼樂天事與昂及張好問輩共爲晏集會蜀寇起而罷也

### 龍興寺畫壁

書畫譜畫家傳汝州龍興寺吳道子畫兩壁一壁作維摩示疾文殊來問天女散花一壁竹太子遊四門釋迦降魔筆法奇絕蘇子由曾施百緡修之

韻語陽秋

### 寶豐縣志

#### 卷之三

輿地志下

十五

蘇文忠集子由新修汝州龍興寺吳畫壁

丹青久衰工不藝人物尤難到今世每摹市井作公卿畫手懸知是徒隸吳生已與不傳死那復典型畱近歲人間幾處變西方畫作波濤翻海勢細觀手面分轉側妙算毫釐得天契始知眞放本精微不比狂花生客慧似聞遺墨畱汝海古壁蝸涎可垂涕力捐金帛扶棟宇錯落浮雲卷新霽使君坐獻清夢餘幾疊衣紋數衿袂他年弔古知有人姓名聊記東坡弟

### 菴羅寺

訂全金詩增補中州集元好問送弋唐佐還平陽詩汪寶豐山

中有菴羅寺唐佐嘗從程內翰天益問學于此

附元好問送弋唐佐還平陽詩

我從商餘之山過菴羅聞君六經百家富研摩會最上指冠  
魏峩豈肯俯首春官科覃懷變生十載後我時避兵方北走  
通家弋宋共有無行輩許之爲老友晉州一書君肯來握手  
大笑心顏開春風着人不覺醉快卷更須三百杯鶴骨騫飛  
法當壽況是丹房藥鏡畱心久崑崙神泉浸术芝乞與餘膏  
潤衰朽天府學士登瀛洲松頂仙人垂直鉤愛君直欲抵死  
畱自言世事非所求千古黃金鑛中淚不獨盧仝并馬異蘇  
州韋郎交分深香山白傳金玉音借渠兩詩寫我心相知非  
不多但苦心不同同心一人去坐覺長安空離愁何從生生  
從情愛中不見行路人拂袖自西東汾流滔滔今日千里青  
眼高歌吾老矣

甘羅臺

河南通志甘羅臺在寶豐縣城西北世傳秦甘羅與楚盟於  
此

馬志辨誤引史記甘羅誑趙割五城予秦外別無事迹不知  
舊志何據云與楚盟於此

附陵墓

吉周君墓

寶豐縣志

卷之三

輿地志下

十六



舊志在縣西九十里深山中未詳何代或云秦遷周天子於陽人聚葬其地焉

馬志按史居陽人爲東周君

賈剛侯墓

舊志漢膠東侯賈復墓在城內西南隅

賈剛侯墓乾隆四十八年知縣吳宗濂重修

馮陽夏侯墓 王淮陵侯墓 康熙年問庠生馬雲漢立碑

馬志二墓相近在故父城縣東王墓無碑而馮墓碑題大樹將軍亦前明立也

吉成侯州苞冢

寶豐縣志

卷之三

輿地志下

十七

水經注滢水南有漢中常侍長樂太僕吉成侯州苞冢冢前有碑墓西枕岡城開西門門有兩石獸墳傾墓毀碑獸淪移人有掘出一獸猶全不破甚高壯頭去地減一丈許作制甚工左膊上刻作辟邪字門表壘上起石橋歷時不毀

元魏陵

馬志云通志但言在大龍山巔拓跋氏所葬而不言某帝資治通鑑南北朝已卯歲四月魏主宏殂太子恪卽位九月謁長陵質實引一統志云魏文帝陵在汝寧府汝州東南大龍山上此注屬隸先舛誤汝州歷來不隸汝寧府至云魏長陵則更不知其所據考魏治封大鮮卑至其始祖神元皇帝始

遷定襄之盛樂後又遷代遷平城其葬俱在雲中代北文帝始遷洛陽南征殂於穀唐原喪還至魯陽太子恪迎柩卽位宏遷洛陽遂營葬中原禮亦宜之但魏書云葬長陵似仍是還葬若新卜山陵事體重大史必有特書而記云葬長陵與其葬景世宗肅敬定肅敬宗陵者無以異三宗繼文帝而王者酈道元注水經九龍山事蹟如沛公壘龍谿董溝無不表章至本朝陵寢反實而不及情理甚不似也道元注水經於汝滢諸水自云永平初守魯陽時正在夏陵之後

### 後周豫州刺史杜行寶墓

周豫州刺史淮南公杜君之墓誌云周天統二年歿于私第春秋八十有二以隋開皇元年十月一日與夫人合葬於龍

### 寶豐縣志

### 卷之三

輿地志下

十八

山缺原里之禮也其地東窺邵塚伐楚之跡猶存西跡滢城

避狄之隍如在南鄰滢水神龜游括地之瀾北瞰龍山仙鶴

悲聳天之岫云云

### 唐故襄陽丞趙矜墓

柳子厚志其墓云貞元十八年月日天水趙公矜年四十二客死於柳州官爲斂葬於城北之野元和十三年孤來章始壯自襄州徒行求其葬不得徵書而名其人皆死無能知者來章日哭於野凡十九日唯人事之窮則庶於卜筮五月甲辰卜秦誦直廉切兆之曰金食其墨而火以貴其墓直丑在道之右南有貴神冢土是守乙巳於野宜遇西人深目而髯其

得實因七日發之乃覲其神明日求諸野有叟荷杖而東者  
問之曰是故趙丞兒耶吾爲曹信是邇吾墓噫今則夷矣直  
社之比二百舉武吾爲子祖悅切焉辛亥啟土有木焉發之  
緋衣緞衾九白家之物皆在州之人皆爲出涕誠來章之孝  
神付是叟以與龜偶不然其協焉如此哉六月某日就道月  
日葬於汝州龍興縣期城之原夫人河南源氏先沒而祔之  
矜之父曰漸南鄭尉祖曰倩之鄆州司馬曾祖曰弘安金紫  
光祿大夫國子祭酒始矜由明經爲舞陽主簿蔡帥反犯難  
來歸擢授襄城主簿賜緋魚袋後爲襄陽丞其墓自曾祖以  
下皆族以位時宗元刺柳用相其事哀而旌之以銘銘曰訥  
也敖之信也蒨之有朱其紱神具列之懇懇來章神實 汝  
錫之老叟告以兆語靈其鼓舞從而父祖孝斯有終宜福是  
與百越蓁蓁羈鬼相望音忘有子而孝獨歸故鄉涕盈其銘旌  
爾勿忘

案隋書地理志襄城郡郟城舊曰龍山東魏置順陽郡及南  
陽郡南陽縣開皇十八年改南陽曰期城既併於郟及唐證  
聖元年析郟城魯山復置曰武典神龍元年更名中興尋又  
更名龍興故期城廢縣入於龍興之境誌所謂莖期城龍興  
之原者此也舊志及馬志遺而不收殊失之

樞密直學士寇城墓

馬志

學士

今其墓僅存案城

字次公臨汝人宋史謂其性頗疎財通音律知術數初附丁謂故少達及謂敗左遷鬱鬱不自得秘書丞彭齊賦喪家狗以刺之其品行詳宋史

元

臨汝郡公墓

宋民望撰輔國上將軍塔里赤墓碑大德五年改福建道宣慰使都元帥又明年復除浙東道宣慰使都元帥公初收蔡全中藥矢至是疾作薨於延平驛葬汝州梁縣三堆山左之陽

寶豐縣志

卷之三

輿地志下

二十

馬志在縣北三堆山下元將塔饒志里赤也墓表及元史本

悞答

傳載藝文墓表其子萬奴立云其曾祖也里里伯父亦憐赤拔都而史云父也里里白贈臨汝郡公而史云臨安此史之悞當以墓表為正

元

保八公墓

馬志在曹鎮有碑已斷仆文云大元贈光祿大夫河南江缺等處行中書省平章政事追封冀國公諡文愍保八公之墓維至正歲次甲申缺卯男火魯忽達立碑

明

觀政進士李西塘墓

劉奎撰李秉仁墓誌葬於城北瞻嶽門外百武許從先兆也

嘉靖二十一年

殉難附學生祀鄉賢陳維明墓

採訪事實陳維明墓在縣西南陳氏先塋維明魯山窆耳陳  
庄人明季捍土賊力屈及子襄九同遇害事詳魯山縣志

翰林院侍講學士吳垣墓

楊篤生爲撰墓表云予同年友寶豐翰林侍講學士雲巖吳  
君旣葬之二年令子如彥過洧濱屬予文其隧石君之歿嵩  
陽侍郎景公狀其行其葬也德州大理孫公志其墓君之世

寶豐縣志

卷之三

輿地志下

二十一

系妃匹子姓婚姻狀與志詳矣予及最君家世德而表其大  
節君諸父行同產三人而先尊府屯田公于次爲長先世遺  
產不踰中人厥後田廛邸第悉所拓大增益迺昆弟析居時  
悉以均之仲季且惟所擇無吝也迨兩弟先逝復篤惠從了  
恩勤委曲用是各立室家系籍衣冠而君尤恂恂孝謹丕承  
先志羣從昆季愉愉怡怡屯田公之所推讓迄君世兩氏子  
孫安而有之嗚呼汝爲中州名區甲第縉紳踵趾頂背然前  
明到今閱兩代幾四百年木天之選君先後未有也然有識  
之士不多君之高科美官而雅以君之孝友祗適爲足光世  
胃而重鄉邦噫視茲懿好愈以知君矣因揭而使表於墓上

君諱垣字翰宸號雲嶷巳酉鄉舉乙丑成進士丁酉十一月十七日卒於密雲工所得年六十有八葬以辛丑十一月三日墓在寧村新阡距所居大營鎮三里而遙雍正二年歲次甲辰季春

蘇松兵備副使王之晉墓

任楓撰墓誌銘云公生於萬歷壬辰卒於康熙丁未卜期戊申二月十五日葬公於縣西三十里祖兆之東

涉縣學教諭李宏志墓

屈啓賢撰墓表先生世守藏書靡弗博涉淹貫聞人有異書必借閱而點校之選授涉縣教諭力辭不就先後邑候招主

寶豐縣志

卷之三

輿地志下

二十一

春風書院及門從遊者稱濟濟焉年登大耋以卒葬縣西南楊家庄東北嶺之原

附隋金時舊村

邑之村名歷千餘年未改者隋之吉村

見開皇十二年長八寺造像碑

今仍爲

聚落餘如馬村東宋村西宋村白家庄西齊府朱家川阿磨堆  
滄陽店江家庄五义路曹村榆林庄東寇召西寇召東齊府馬  
跑泉滄陽村父城村馬杜村橋頭寄料店雙溝村鬧店村范村  
胡家庄東姚店西姚店惠民村東南崗官庄村史度村仇家庄  
西畱村元家庄東西洚府南崗皆見於金大定三年福勝院牒  
而承安四年香山寺鐘識又有龍門店南庄郭店古城保宋家

庄陳村齊府村三樊庄神林村喬家坡陽薛村碾兒頭李望庄  
石塚山杏花山青嶺店北渡村諸名北渡村今隸葉爾日固邑  
封內耳而近時邑之村名尚多沿金之舊則安土重遷之故也

### 物產

地脉隨時遷轉百年頓異有不止橘踰淮而爲枳者卽如邑青  
條嶺舊產黑鉛白土礬紅之類宋時因特旨改邑曰興寶并載  
諸宋史金史稱京西路行司李復亨上言寶豐產鐵募工置冶  
可以獲利按兩史皆指當時而言今惟間出礬紅餘悉如石渠  
菖蒲久已斷絕卽前政 修志距今九十四年耳所云卯煤盛  
行視他處性壯焰熾而有力 來搬運者春冬間絡繹繻屬鈴  
寶豐縣志

### 卷之三

輿地志下

二十三

鐸之 晝夜 耳者亦幾當煜泣而空類二東杼柚矣

二語本馬志

至穀 果蓏車木禽魚之屬馬志以非特 并非與他處同產  
而佳概削而不錄今從之

### 風俗

觀風問俗爲政之要也方輿覽勝云土尙端慤民甘勤勞有巢  
由清風之節宋地里志云墾田不廣民多財賦亦由儉嗇而然  
合狐 請青菴記 人物知名者間出 俗亦度幾近古雖  
統爲汝郡 馬志云汝州四屬城惟伊賜節俗有同洛陽者  
餘則概一也故節錄汝志及舊志如 而附以近明見聞  
防徵願與邑黎 共勉之

汝志云寶豐士習杜實不事矜飾着衣忌華美貧惟閉門拙守恥於千人鄙富而驕不尚禮義者卽共席不與酬應或素著名檢雖至囊乏必加殊敬其有孝行卓越之子節烈賢淑之婦衆口同辭陳於上官惟恐弗彰也婦人非至親不相往來不輕見客尤可嘉尚

馬志云寶俗雖同邑而有偏尚者滢南下元之勞佃客賞今歲而勉來年青嶺之賀小滿喜麥秋近而家食新皆有務本重農之意婚禮前期發簡速戚友謂之執客以多爲美中人小可之家竭蹶營辦常有不給於費者

喪則張樂侈諸下里僞物家祭以諸生贊導謂之禮相喪家

先期冷具陳請祭日盛張設以欸之事竣勞謝如初戚友張幕結綵祖奠於路者請謝與禮相同燕吊客以酒餽豐腆相尚

右類舉邑俗之崖畧如是至於歲時令節祀先展墓與夫家人相歡讌閭里相慶賀雞豚之社贈答之文皆與鄰境無差殊陸志概不繁叙今從之